



Llywodraeth Cymru  
Welsh Government

---

## **DATGANIAD YSGRIFENEDIG GAN LYWODRAETH CYMRU**

---

**TEITL** Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol (Diwygiadau Amrywiol) (Ymadael â'r UE) (Rhif 2) 2020

**DYDDIAD** 21 Hydref 2020

**GAN** Rebecca Evans AS, Y Gweinidog Cyllid a'r Trefnydd

**Rh30C – OS a osodwyd yn Senedd y DU sy'n diwygio deddfwriaeth mewn maes datganoledig**

**Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol (Diwygiadau Amrywiol) (Ymadael â'r UE) (Rhif 2) 2020**

Mae Rheoliadau 2020 yn diwygio'r ddeddfwriaeth ganlynol sy'n gymwys i Gymru:

### **Deddfwriaeth Ewropeaidd sy'n Uniongyrchol Gymwys**

- Rheoliad y Comisiwn (EC) Rhif 1760/2000 sy'n sefydlu system ar gyfer adnabod a chofrestru anifeiliaid buchol ac ynghylch labelu cig eidion a chynhyrchion cig eidion
- Rheoliad y Comisiwn (EC) Rhif 1850/2006 sy'n gosod rheolau manwl ar gyfer ardystio hopys a chynhyrchion hopys
- Rheoliad (EU) Rhif 1308/2013 Senedd Ewrop a'r Cyngor sy'n sefydlu cyd-drefniadaeth ar gyfer y marchnadoedd mewn cynhyrchion amaethyddol

### Rheoliadau Domestig

Rheoliadau Ardystio Hopys 1979

Rheoliadau'r Fframwaith Cyd-drefniadaeth ar gyfer y Marchnadoedd mewn Cynhyrchion Amaethyddol (Diwygiadau Amrywiol, etc.) (Ymadael â'r UE) 2019

Rheoliadau Mesurau'r Farchnad (Safonau Marchnata) (Diwygio) (Ymadael â'r UE) 2019

Rheoliadau Mesurau'r Farchnad (Darpariaethau Amrywiol) (Diwygio) (Ymadael â'r UE) 2019

Rheoliadau Amaethyddiaeth (Swyddogaethau Deddfwriaethol) (Ymadael â'r UE) (Rhif 2) 2019

Rheoliadau'r Polisi Amaethyddol Cyffredin a Chyd-drefniadaeth ar gyfer y Marchnadoedd mewn Cynhyrchion Amaethyddol (Diwygiadau Amrywiol) (Ymadael â'r UE) 2019

Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol a'r Polisi Amaethyddol Cyffredin (Diwygiadau Amrywiol etc.) (Ymadael â'r UE) 2019

### Lloegr yn Unig

Rheoliadau Wyau a Chywion (Lloegr) 2009

### Gogledd Iwerddon yn Unig

Rheoliadau Olew Olewydd (Safonau Marchnata) 2014 mewn perthynas â Gogledd Iwerddon

Rheoliadau Ardystio Hopys 1979 mewn perthynas â Gogledd Iwerddon

## **Unrhyw effaith y gall yr OS ei chael ar gymhwysedd deddfwriaethol y Senedd a/neu gymhwysedd gweithredol Gweinidogion Cymru**

Mae Rheoliadau 2020 yn gwneud diwygiadau i ddeddfwriaeth sy'n ymwneud â'r farchnad gyffredin ar gyfer cynhyrchion amaethyddol gan gynnwys cynhyrchion organig.

Mae Rheoliadau 2020 yn ymwneud â swyddogaethau a drosglwyddwyd ac y cydsyniwyd iddynt yn y ddeddfwriaeth Ymadael â'r UE a amlinellir uchod. Mae'r ddeddfwriaeth bresennol sy'n ymwneud ag ymadael â'r UE yn galluogi Gweinidogion Cymru i arfer swyddogaethau mewn perthynas â Chymru yn ddilyffethair ac i Weinidogion Cymru roi caniatâd i'r Ysgrifennydd Gwladol arfer y swyddogaethau hynny mewn perthynas â Chymru.

## **Diben y diwygiadau**

Mae Rheoliadau 2020 yn diwygio deddfwriaeth a ddargedwir yr Undeb Ewropeaidd ("UE") sy'n ymwneud â Chyd-drefniadaeth y Marchnadoedd Amaethyddol ("CMO"), is-ddeddfwriaeth ddomestig sy'n gweithredu deddfwriaeth yr UE mewn perthynas â'r CMO, ac is-ddeddfwriaeth ddomestig bresennol sydd ei hun yn diwygio deddfwriaeth CMO yr UE, i'w alluogi i weithio'n effeithiol ar ôl diwrnod Cwblhau'r Cyfnod Gweithredu.

Mae'r offeryn hwn yn gwneud newidiadau gweithredol o dan adran 8(1) o Ddeddf yr Undeb Ewropeaidd (Ymadael) 2018 a pharagraff 21 o Atodlen 7 iddi, ac adran 41(1) o Ddeddf yr Undeb Ewropeaidd (Y Cytundeb Ymadael) 2020 i'r offerynnau y cyfeirir atynt uchod. Yn benodol, i sicrhau bod Protocol Gogledd Iwerddon yn cael ei weithredu ac i ddileu

amwysedd, anghysondebau a chamgymeriadau teipograffyddol fel y gall yr offerynnau weithredu fel y bwriadwyd yn dilyn diwrnod cwblhau'r Cyfnod Gweithredu. Bydd diwygiadau hefyd yn cael eu gwneud i'r darpariaethau trosiannol sy'n ymwneud â mewnfario hopys a chynhyrchion hopys, gofynion hysbysu ar gyfer mewnfario cig eidion a chig llo o drydydd gwledydd a gofynion marcio ar gyfer deor wyau a chywion sy'n cael eu mewnfario UE.

Mae Rheoliadau 2020 a'r Memorandwm Esboniadol cysylltiedig, sy'n nodi manylion tarddiad, diben ac effaith y diwygiadau, ar gael yma:

<https://www.legislation.gov.uk/ukdsi/2020/9780348213386>

### **Pam y rhoddwyd caniatâd**

Rhoddwyd caniatâd i Lywodraeth y DU wneud y cywiriadau hyn o ran ac ar ran Cymru am resymau'n ymwneud ag effeithlonrwydd a hwylustod ac i sicrhau cysondeb a chydlynid y llyfr statud. Mae'r diwygiadau wedi'u hystyried yn llawn ac nid oes gwahaniaeth mewn polisi. Nod y gwelliannau hyn yw sicrhau bod y llyfr statud yn parhau i fod yn weithredol ar ddiwedd y cyfnod gweithredu.